

سنه لکی درساعات ایچون مجیدیه
بکرمی غروش حسابیه التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

تَبْلِیْغَاتُ

آبونه اولمق ایستینلر دائره عدلیه ده
اداره مخصوصه سنه مراجعت
ایتملیدر

اعلاناتک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیهیه متعلقدر

تَبْلِیْغَاتُ

اوخالس نام کمسنه نك صرافیم عهده سنده وفاء فراغ صورتیه مرهون بولان املاك و اراضیسك دفتر خاقانی اداره سنجه اجرای مزایده سی انشاده مدیون مرقومك فاحش فائض و تسلیات ادعاسیله محكمهیه وقوع بولان مراجعتی اوزرینه عند الحاکمه تبین ایدن تسلیات ایله فائض فاحشك تنزله دائر ویریلان حکم لدی الاستیناف بیک ایکی یوز لیرانك اجرای موقله تحصیلنه و بدایه نتیجه محاکمهیه دکن دفتر خاقانجه اجرا ایدیلان مزایده نك تأخیرینه دائر یازیلان تذکره حکمك ابطالیه دوام مزایده نك باتذکره دفتر خاقانی مأموریتنه اشعارینه قرار ویرلش ایسه ده محكمه استینافیه جه مقرر اولان دوام مزایده کیفیتی مأموریت مذکوریه اشعار و تبلیغ قلنماش اولدیغندن بحثله مرهونات مذکور نك اجرا قانونه توفیقاً یکیدن اجرای مزایده سی و یاخود دفتر خاقانی اداره سنجه اجرا قلنان مزایدهیه موافق قانون نظریله باقیله رق دائره اجراجه امر مزایده نك قالدینی نقطه دن بدأواکال ایدلسی صورتلرندن هانکیسی اختیار اولنمق لازم کله جکی حقنده اطنه ولایتی مرکز بدایت محكمه سی ریاست اولاسندن وقوع بولان اشعار اوزرینه، اساس دین حقنده کی ادعا محاکمه انتقال ایتدیریلرک بدایه واستینافاً حکم آتته آدیرلش و اولباده لاحق اولان اعلانات موقع اجرایه وضع اولنوب مبلغ محکوم بهک دائره اجرا معرفتیه تحصیلنه تشبث ایدلیکی کبی امر تحصیله متفرع اولان رهنك مزایده و فروختی معامله سنك دخی دائره اجرایه انتقالی اخطار دیمك اولان بدایه تأخیر مزایده قراری محكمه استینافیه جه ابطال اولنموب دفتر خاقانی اداره سنجه دوام مزایده خصوصی اول و آخر نتیجه محاکمهیه و دائره اجرا نك تنسیبیه تعلیق ایدلش و محاکمات واقعه نتیجه سی ایسه مبلغ مدعا بهک تحصیلی صورتنده اوله رق محکوم بهک تحصیلنه متفرع معاملاتده دخی اجرا قانونه توفیق معامله طبعی بولنش اولسنه بناء مرهونات

مذکور نك یکیدن اجرای مزایده سیله حکم اعلامك تنفیذی لازم کله جکی انجمن عدلیه دن افاده و اولو جهله عدلیه نظارت جلیله سندن، ریاست مذکوریه تبلیغ کیفیت اولنمق اوزره اطنه استیناف مدعی عمومیلکنه اشعار ماده اولنمشدر .

مَحَاكِمَاتُ مَقَرَّرَاتُ

محكمه تمیز استدعا دائره سندن اعطا قلنان ۲۸ حزیران سنه ۳۱۷ تاریخلی اعلامدر :

قونیه ولایتی هیئت اتهامیه سندن تنظیم اولنوب ۳۱ تشرین اول سنه ۳۱۶ تاریخنده تبلیغ ایدیلان وظیفه قرارینی حاوی مضبطه نك تمیزینی مستدعی ولایت مذکوریه دیون عمومیه نظارتی طرفندن ویریلان ۲ تشرین ثانی سنه ۳۱۶ تاریخلی استدعا نامه و اوراق متفرعه سی باش مدعی عمومیلک مأموریت بهیه سنك ۷ حزیران سنه ۳۱۷ تاریخلی تبلیغنامه سی ایله برلشدریلرک محكمه تمیز استدعا دائره سنه تودیع اولنمغه لدی التدقیق مذکور استدعا نامه نك مدت قانونیه سی ظرفنده ویرلیدی اکلشلا دیغندن اوراق مرقومه دائره جه قرائت و مطالعه اولندی .

مذکور مضبطه نك مالی قوچحصار قضا سنده واقع مملحه دن معلوم المقدار طوز سرقت ایلدکاری و تعقیباتنه کیدن قولجیلری ضرب و جرح ایتدکاری ادعا اولنمسنندن دولانی مظنون اولان ابراهیم اوغلی ولی و طوسون اوغلی عزت و فضلی اوغلی بلال و سائر حقلرنده قضاء مذکور مستطقی طرفندن جنایتله لزوم محاکمهیه دائر ویریلان قرارنامه اوزرینه کیفیت هیئت اتهامیه جه لدی التدقیق طوز قاجیلینی ماده سنه عائد تحقیقات و محاکماتک مجلس ادارهیه عائد اولوب محاکم عدلیه نك وظائفی خارجنده بولنش اولمغه قرارنامه مذکورک فسخنه و یالکنر محاکم عدلیهیه عائدیتی درکار اولان ضرب و جرح ماده سنك تفریقیه تعقیبات قانونیه اجرا ایدلمك اوزره

مذکور مستطقلکه اعاده سنه قرار ویرلیدندن و مذکور استدعا نامه مندرج اعتراضاتک خلاصه سی دخی ذات جرمك سرقت قصدیه مجتمعاً و مسلحاً مملحه یی باصوب قولجیلری ضرب و جرح ایله ایتقاع ایلمك صورتیه و قوعه کلدیکی جهتله تفریق دعوی ایدلمك قانوناً جائز اولمدیغندن و سائر دن بحثله مذکور مضبطه نك نقضی طلبندن و تبلیغنامه نك مفادی دخی اعتراضات مذکور نك بجا کورندیکی بیانندن عبارتدر .

ایجابی لدی المذاکره هیئت اتهامیه مضبطه سی مندرجاتیه اوراق تحقیقیه نك تدقیق و مطالعه سندن منفهم اولدینی اوزره مظنونین ولی ایله رفقا سنك درمیان اولسان فعل و حرکتلری مشترکاً و مجتمعاً مملحه یی باصوب قولجیلری ضرب و جرح ایله طوز سرقتی مسئله سی اولسنه منی ایشك جهت عدلیه جه تدقیقات و تعقیبات قانونیه سنك اجرایی اصولاً مقتضی اولدینی و توحید محاکمه قاعده سی دخی بو لزومی مؤید بولندینی حالده هیئت اتهامیه جه طوز سرقتی مسئله سندن طولانی عدم صلاحیت قراری اعطاسیله تفریق ایدلسی مخالف اصول و قانون اولوب بوباده درمیان ایدیلان اعتراضات ذکر اولسان تبلیغنامه ده دخی محرر اولدینی اوزره بجا و نقضی مستلزم اسباب قانونیه دن کورلدیکندن اصول محاکمات جزایه قانوننك اوچوز اون دردنجی و اوچوز اون طقوزنجی ماده لری احکامنه توفیقاً ذکر اولنان مضبطه اتهامیه نك نقضنه و بوجه محرر ایفای معامله ایدلمك اوزره اوراق مرقومه نك محله اعاده سنه و تمیز اعلامی خرجی اولان اکیوز غروشك اخذ واستیفاسنه ۲۸ حزیران سنه ۳۱۷ تاریخنده متفقاً قرار ویرلیدی .

اشقیایه یتاقلق ایلدیکی ادعا اولنمسنندن دولانی جنایتله اتهام اولنان آلاصونیه قضا سنك دیشقاط ناحیه سی اهالی سندن یورکی ولد قسطندی سوطیرک اوچ سنه مدتله کورکه قولنسنه دائر سرفیچه سنجانی بدایت محكمه سی جزا دائره سندن ویریلان یوزطقسان

سکر نومرولی اعلام محکمه تمیز جزا دائره سنجه
تصدیق ایدلشدر .

مناسرت قصبه سنک امیر چای محله سی اهالیستند
حاجینک کیفیت قتلدن دولای جنایتله اتهام ایدیلان محله
مذکورله یشمک اون بش ورفیق فرهادک اوج سنه
مدتله کورکه قولگسته دائر مناسرت ولایتی استیناف
محکمه سی جزا دائره سندن اعطا قلنان قرق سکر
نومرولی اعلام محکمه تمیز جزا دائره سنجه، تصدیق
ایدلشدر .

والده سی قروستانانک ماده قتلدن دولای جنایتله
اتهام اولسان پورکی ولد وانکلک اون بش سنه مدتله
کورکه قولگسته دائر ارکری سنجای بدایت محکمه سی
جزا دائره سندن ویریلان اوتوز نومرولی اعلام
محکمه تمیز جزا دائره سنجه تصدیق ایدلشدر .

کوبرلی قضا سنک ایوانلی قریه سی اهالیستند
محمد بن شعبانک جر خندن دولای جنایتله اتهام
اولسان قریه مذکورله علی بن عزیزک اوج سنه
مدتله کورکه قولگسته دائر قوصوه ولایتی استیناف
محکمه سی جزا دائره سندن اعطا قلنان ۵۶ نومرولی
اعلام محکمه تمیز جزا دائره سنجه تصدیق ایدلشدر .

خیره بولی قضا سنک قدیه قریه سندن عمر اوغلی
ابراهیمک کیفیت قتلدن دولای جنایتله اتهام اولسان قریه
مذکورله بربر محمد بن سلیمانک اون بش سنه مدتله
کورکه قولگسته دائر تکفور طای سنجای بدایت
محکمه سی جزا دائره سندن ویریلان ۹۸ نومرولی
اعلام محکمه تمیز جزا دائره سنجه تصدیق ایدلشدر .

کیلان قضا سنک زکریه قریه سندن اسماعیل بن یعقوبک
ماده قتلدن دولای جنایتله اتهام اولسان قریه
مذکورله اسماعیل بن رستمک اون بش سنه مدتله
کورکه قولگسته دائر رشتنه سنجای بدایت محکمه سی
جزا دائره سندن اعطا قلنان ۱۲ نومرولی اعلام محکمه
تمیز جزا دائره سنجه تصدیق ایدلشدر .

۱۱۵ نومرولی نسخه ده مندرج در سعادت

جنایت محکمه سنک اعلامندن مابعد :

قرائت ایتدیریلان اوراق مندرجانه قارشو
نه دیه جکری متهملردن صورلدقه بولندردن حافظ محمد،
مقتول مصطفی مجروحاً افاده سی ضبط اولندیغی زمان

سکر حالنده بولندیغندن سولیدیکی سوزی بیه میه جکتی
بیان و دیگر متهملر و درویش بر دیه جکری اولندیغی
اتیان ایدلر .

مدعی عمومیلک طرفندن بالا عطا قرائت
ایتدیریلان شهود پوصله سنده اسماری محرر اولوب
دعوت واقعه میه اتباعاً ورود ایتدیکری خبر ویریلان
شاهدلر برر برر حضور محکمه چیقاریلر رق
لدی السؤل متهملر ایه مقتوله قرائت و مناسبت
و خصوصتلی اولندیغی اکلاشیله رق و اصولی وجهله
تحلیفلی اجرا قلنه رق مفرداً و مواجۀ استماع
اولندقلرنده بولندردن قاسم پاشاده خسته خانه آرقه سنده
ترسانه ملازملردن اوفلی نظمی افندیکنک خانه سنده
مقیمه الی پاشنده حکیمه نام دیگر بیکناز بنت محمد
امین، وقعه دن اوج کون مقدم متهملردن حافظ محمد
وعمر، رضا اسمنده برسی ایه خانه سنه کلوب برکیجه
قالدقلنصرکه صاحبان کندوسنه الی مجیدییه ویردکری
وصکره رضالک کندوسنی بالهدی الی مجیدییه
استرداد اتمک ایستیمی اوزرینه رضایه تسلیم اتمک
اوزره الی مجیدییه مقتول مصطفایه ویرمش اولندیغی
حالد مرقوم مصطفی بوالی مجیدییه ک ایکنسی رضایه
اعاده اتمش ودرت عدیدی جینه قویمش اولندیغی
خانه سنده بولان قادیلردن ایشدیکنی ووقه کیجه سی
حافظ محمد وعمر ودرویش خانه سنه کلورک اوردقلری
صرده ده مصطفایه پارهی صوردقلرنده مصطفالک رضایه
ویردیکنی سولسی اوزرینه حافظ محمد مصطفالک
اوزرینه هجوم ایدوب ایتدیه رک طاشلعه قدر کیتملکری
و درویش ایه عمر ده طاشلعه مصطفالک آغزنی
قیایه رق توقات ایه اورمه باشلا دقلری و بو صره ده
حافظ محمد قاسنی شهر ایتسیله مصطفی مطبخه
قاجدیغی و صکره مرقوم مصطفی: «ایدم ای حافظ
محمد اوردی» دیدیکنی ایشدیکنی مضبوط افاده سی
وجهله بیان و اخبار ولدی السؤل حافظ محمد قاسنی
شهر ایتدیکنی صره ده لامه سومش اولدیغندن حافظ
محمد مصطفای اوردی ایکن کورمدیکنی وعمر ایه
درویشده سلاح اولدیغی وحقنده شهادت ایلدیکنی
شخصلر حاضر بولان متهملر ایدوکی تذکار ایددی .
بوشاهدنک ذات و شهادته نه دیه جکری متهملردن
صورلدقه بر دیه جکری اولندیغی سولیدلر .

بشکطاشده برخانده مقیم اولوب بکلک انبارنده
مستخدم بولان بیکری پاشنده طرابلس غریلی خلیل بن
میلاد، کندوسی وقعه دن اوج کون مقدم بیکنازک خانه سنه
خدمتکار صفتیه داخل اولش ایدوکندن وقعه کیجه سی
ساعت درت راده لرنده من بوره نک خانه سنه کلورک وچنجی
قانه صوفه ده یاتوب او یودینی صره ده ساعت بش
بچق راده لرنده بر کوردلی ایشتمی و معقباً بیکناز

یانه کلرک (آشاغی ان) دیمی اوزرینه طاشلعه اینه رک
مطبخ بخره سندن بانجه میه واورادن زقاعه چیقدیغی
مضبوط افاده سی دائره سنده یاد ولدی السؤل جارج
و مجروح کیمار اولدیغی و جرح وقوعی کورده مدیکنی
ایراد ایلدی .

تحت قلعده سلحدار انانک خاندنه ساکن اوزون
چارشوده مرانغوز راشدنک یاننده طاوله چی بیکری سکر
پاشنده احمد بن اسماعیل، بر بازار کونی افشای متهملردن
حافظ محمد کندوسنه کز مک کیتکی تکلیف اتمش
ایسه ده کندوسی بولکلی قبول اتمش اولدیغی
واوکیجه قاسم پاشاده مصطفالک قتل ایلدیکنی
ایشدیکنی و بازار کیجه سندن دروسته دکن متهملر حافظ
محمدی کورمدیکنی مضبوط افاده سنه موافق اوله رق
بیان وحقنده شهادت ایتدیکنی شخص حاضر بولان
متهملردن محمد ایدوکی اتیان ایلدی .

عند السؤل متهملر محمد کندوسی فرار ایتوب
استان بولده بولندیغی واحده شهادته بر دیه چی
اولدیغی سولدی .

اسکدار اسکله سنده غزیه موزعلکی ایدن بیکری
سکر پاشنده علی بن خلیل، برجه کونی مقدم اوزون
چارشوده کوردیکنی متهملر حافظ محمد اسکدارده کندوسنه
تصادفه کیجه باندنه مسافره قاله جتی سولیدیکی حالد
یاقه جق بری اولدیغندن قبول ایتدیکنی و مرقومه
بولده کیدر ایکن ویدیشلی علی به تصادف ایدرک
هر اوجی برلکده کوچونک میخانه سنه کیدوب
عشرت ایتدیکری صره ده بولیس مأمورلی طرفندن
حافظ محمدک دروست اولدیغی و حافظ محمد مقدمه
کندوسنه اسمنک حسن اولندیغی سولیدیکی
مضبوط افاده سی وجهله اخبار ولدی الاستفسار
اوکون محمد ایه برلکده بولدقلری مدت ظرفنده
مرقوم قتل مسئله سندن بحث ایتدیکنی وحقنده
شهادت ایلدیکنی شخص حاضر بولان متهملردن حافظ
محمد ایدوکی تذکار ایلدی .

بوشاهدنک ذات و شهادته نه دیه چی متهملردن
حافظ محمدن صورلدقه کندوسی اسمنی کتم ایتدیکنی
بیان ایتدی .

(مابعدی صکره)

ادرنه قوسنده احمد ایه منازعه ایدرک و طاش ایه
اوردرق مرقوم کوزی روشتدن محروم ایلدیکنی
ادعاسیله متهمل بولان علی ویکچی ابراهیم ایه شوقیه
ضرب و جرح ایلدیکری ادعاسیله کذلک مظنون اولان محرم
وقه چی ابراهیم حقارنده اجرا قلنان محاکمه نتیجه
سنده مرقومندن علینک روش افاده سی و شاهدلرک

علی الدرجات ومع القسم واقع اولان شهادت و اخبار
راتی و معاینه راپوری مندرجانیله ثابت اولدیغندن
اولوجهله مجرمیتلرینه و بولردن علینک قانون جزانک
یوز تیش یدنجی ماده سی موجبنه اوج سنه برماه مدته
کورکه قولگسته و محرم و قهوه چی ابراهیمک دخی
قانون من بوزک یوز تیش طقوزنجی ماده سنه توفیقاً
اون بشر کون حبس ایدلرینه ۵ تشرین ثانی سنه
۳۱۸ تاریخنده محکمه جناجیه قرار ویرلشدر .

قاسم پاشاده یونس خاندنه زوجیه سی عایشه
جرح و قتل ایلدیکنی ادعاسیله متهمل بولان محمد بن
عبداللهک اجرا قلنان محاکمه سی نتیجه سنده مرقومک
انای منازعه ده بالهور من بوردی قایله جرح و قتل
ایلدیکنی کندوسنک اقراری و شاهدلرک شهادتی
وماینه راپوری و دلائل سائر ایه ثابت اولدیغندن
اول وجهله مجرمیتنه و قانون جزانک یوز تیش
درنجی ماده سنک فقره اولاسی حکمنه توفیقاً اون
بش سنه مدتله کورکه قولگسته ۶ تشرین ثانی سنه ۳۱۸
تاریخنده محکمه جناجیه قرار ویرلشدر .

کوچک مصطفی پاشاده سمیدچی فرونده اسماعیلی
جرح و قتل ایلدیکری ادعاسیله متهمل بولان حسین
وقاسم حقارنده اجرا قلنان محاکمه سی نتیجه سنده
مرقومانک، دائره مجهولیتده قلان بر سیدن طولای
اسماعیلی مشترکاً اتلاف ایلدیکری معاینه و کشف
راپورلری مندرجانی و عندالحاکمه حاصل اولان دلائل
وقرائن قاطعه ایه ثابت اولدیغندن بالهور قتل فعلنک
فاعل و مرتکبلی اولق اوزره مجرمیتلرینه و قانون
جزنک یوز تیش درنجی ماده سنک فقره اولاسی
حکمنه توفیقاً اون بشر سنه مدتله کورکه قولگسته
۶ تشرین ثانی سنه ۳۱۸ تاریخنده محکمه جناجیه
قرار ویرلشدر .

زنجی سلیمی ضرب ایدن اسماعیل حتی افندیکن
برایا آلنوب مضروب عطا سنه
یاغ قبانده طورسونک قهوه سنده بیتوت ایدن
معونه چی عثمان بن عبد اللهک خلاط سرعت ایلدیکنی
ثابت اولدیغندن اوج ماه حبسنه ویر سنه ضابطه جه
کفالت آتنده بولندیرلشنه

بلبل دره سنده ساکن یاتینک طاش آتق صورتیه
اموال منقوله سنه اراث خسار ایتدیکنی ثابت اولان
کریاقونک اوج کون حبسیله برابر کندوسندن اون بشلک
جزای نقدی آلمسنه
ویرکینا بنت انشاشک جاملری شکست ایدن آنا
بنت نیقولیدن اون بش بشلک جزای نقدی آلمسنه

در سعادت وک اوغلی بدایت محاکمی جزا دائره لر نیجه
قرار ویرلشدر .

مجازات

ادلب قضای بدایت محکمه سی مدعی عمومی معاون
وکیل سلیمان افندیکنک خلاف قانون تخلف سیلیل
معاملاتنه جرأتندن ناشی محاکمه آله آلمسنه عدلیه
نظارت جلیله سندن مأذونیت ویرلرک محله تبلیغات
لازمه اجرا ایدلشدر .

اعلانات

ارضروم استیناف محکمه سی مدعی محرم بیلکندنه :
قره کیلسا قضاسنه تابع منکر قریه سندن ماردونی
قتل و مخدومی هارونی تفک قورشونیه جرح
ایستندن طولای مظنون علیه اولان قضاء من بوردن
حسینک فعل مذکورده محاسرتله فرار ایلدیکنی
لدی التدقیق اولابده کی اوراق تحقیقه مآلندن اکلا-
شلمش وحرکت واقعه سی قانون جزانک ۱۷۴ نجی
ماده سی حکمنی مستلزم افعال جنایه دن اوله رق بازید
سنجای بدایت محکمه سی جزا دائره سنده محاکمه سی اجرا
قلنه رق اوزره جنایتله اتهامنه قرار ویرلش اولدیغندن
مرقومک هر نره ده کوریلورایسنه دروست ایه محکمه
مذکورده توفیقخانه سنه تسلیم ایدلسی لازم کله چی بالجه
ضابطه عدلیه مأمورلرینک معلومی اولق اوزره اشبو
اخذ وکرفت مذکره سی ارضروم هیئت اتهامیه سندن
بالتظیم اعطا قلندی .

طوناق قضا سنک باطنوس ناحیه سنه مضاف ملا
ابراهیم قریه لی عمر بن عثمانک ماده قتلندن طولای
مظنون بولسان قریه من بوردی سعیدی بن حسو
وقاسو بن مرزه و مرزه بن عیسانک فعل مذکورده
محاسرتله فرار ایلدیکری لدی التدقیق اولابده کی
اوراق تحقیقه مآلندن اکلاشلمش وحرکت واقعه لری
قانون جزانک ۱۷۴ نجی ماده سی حکمنی مستلزم افعال
جنایه دن اوله رق بازید سنجای بدایت محکمه سی جزا
دائره سنده محاکمه لری اجرا ایلدیک اوزره جنایتله اتهاملرینه
قرار ویرلش اولدیغندن مرقومونک هر نره ده کور-
یلورلر ایسه دروست ایه محکمه مذکورده توفیقخانه سنه
تسلیم ایدلری بالجه ضابطه عدلیه مأمورلرینک
معلومی اولق اوزره اشبو اخذ وکرفت مذکره سی
ارضروم هیئت اتهامیه سندن بالتظیم اعطا قلندی .

نجات بحریه محکمه سنده :

محکمه تجارت بحریه جه افلاسنه قرار ویرلش
اولان خیابار همونیه خالد اولوب صدال بدستانده
نومرولی دولابده موجود و مایفاطوره میه متعلق بولان
اشیانک بالزاید فروختی ماه حال رومینک اون ایکنجی
صالی کونی ساعت درتدن اعتباراً مقرر بولندیغندن
طالب اولانلرک محل مذکورده حاضر بولنلری اعلان
اولنور .

ایکنجی تجارت محکمه سنده :

خاصکوبده جاده ده مقیم ایساق سوربانونک ۴
تشرین ثانی سنه ۳۱۸ تاریخندن اعتباراً اعلان
افلاسنه و مصالح افلاسیه نک رؤیت و تسویه سی ضمنده
اعضای محکمه دن سعادتو جبل بکک زور قومیسر
واذر نه لی شکیب افندیکنک موقت سندیک تعینلرینه
ومغازسیله خانه سنده موجود اشایی زائده بیتنه سنک
تمهیرینه واوراق ودفاترینک جنبه وکفالت ارايه
ایده مدیکنی حالد حبسنه و بو باده کی قرارک موقه
اجراسنه ایکنجی تجارت محکمه سندن قرار ویرلش
اولدیغندن قانوننامه تجارتک ۱۷۰ نجی ماده سی موجبنه
دائمی سندیکلر انتخاب اولق اوزره تشرین ثانیکن
اون طقوزنجی صالی کونی ساعت الی راده لرنده
احباب مطلوبک محکمه مذکورده ک افلاس اوطنه سنه
کلری اعلان اولنور .

غلطه ده محمودیه جاده سنده ۴۴ نومرولی مغازه ده
مقیم خردو انجی آبراحامیان برادرلرک ۵ تشرین ثانی
سنه ۳۱۸ تاریخندن اعتباراً اعلان افلاسنه و مصالح
افلاسیه نک رؤیت و تسویه سی ضمنده محکمه اعضا
ملازمی عزتو یاقو افندیکنک زور قومیسر و دعوی
وکیللردن ترزیان بوزات و آشیان قریه ت افندیلرک
موقت سندیک تعینلرینه و مغازه سیله اشایی زائده
بیتنه سنک تمهیرینه واوراق ودفاترینک جنبه و بوباده کی
قرارک موقه اجراسنه ایکنجی تجارت محکمه سندن
قرار ویرلش اولدیغندن قانوننامه تجارتک ۱۷۰ نجی
ماده سی موجبنه دائمی سندیکلر انتخاب اولق اوزره
اوجوز اون سکر سنه سی تشرین ثانیسنک ۲۱ نجی
پنجشنبه کونی ساعت بدی راده لرنده احباب مطلوبک
محکمه مذکورده ک افلاس اوطنه سنه کلری اعلان
اولنور .

درعیه ده بانجه قوس قریبده طوبایسان خانی
قارشوسنده کوچک خاند تجارتله مشغول ایکن ایکنجی
محکمه تجارتدن افلاسنه حکم اولمش اولان چوقه چی
مارقووه ون وقومپایه سنک ذمتده آله جتی اثبات

و یا موقتاً قبول و قید ایتدیرمش اولان آله جقلولرک قانوننامه تجارتک ۲۱۱ نجی وانی ولی ایدن ماده سی موجبنجه مفلس مرقوم طرفدن تکلیف اوله جق قونقور داتونک مذا کره سی ایچون ۱۳۱۸ سنه سی تشرین ثانیسنک ۱۲ نجی صالی کونی محکمه مذکورنک افلاس او طه سنه کلری اعلان اولنور .

اعلامات شرعی اجرا دأره سنده :

بروسده ساکنه یشار خانمک صوفیه ده مقیم زوجی مصطفی افندی ذمتنده بااعلام شرعی نفقه دن متراکم آلاجنی اولان مبالغ معلومه نک تأمین استیفاسی ضمانته مدیون مومی الیهک متوفی پدری محمد سالم افندی دن انتقالاً عهد سنده اولوب حیز اولنمش وبروسه ولایتی مرکز بدایت محکمه سی ریاست اولاسنجه فروختی قرارلشدیرلمش اولان سراجخانه جوارنده معمار ایاس محله سنده کرچخانه زقاغنده واقع بر طرفی رشیدی بکک بر نومرولی منزلی عرصه سی و بعضاً بقال حاجی علی آغانک کرچخانه سی و دیگر طرفی ساعتچی خیری افندی نک بش نومرولی منزلی و باغچه سی و آرقه سی بندلردن استانبوله جریان ایدن صویه مخصوص کمر و اوکی کرچخانه زقانی ایله محدود و دروننده بر عدد قیو و بر عدد مخزنی مشتمل تخمیناً عتیق یکریمی ایکی ذراع عرضنده و یکریمی طقوز ذراع طولنده مربع الشکل اوچ نومرو ایله مرقم بر قطعه منزل عرصه سنک اوچ حصه اعتباریله بر حصه سی لدی المزیاده ایرا یوز غروشدن ایکی بیسک ایکیوز الی غروش بدل ایله طالی اوزرنده تقرر ایتمش اولدیغندن یوزده بش ضمیله بوندن زیاده یه طالب اولنلرک اشبو تاریخ اعلاندن اعتباراً اوتوز بر کون ظرفنده درسعادت اعلامات شرعیه اجرا دأره سنه مراجعت ایللری و ختام مدتده پی و ضم قبول اولنوب تقرر ایده جک بدل ایله طالی عهد سنه معامله فراغیه سی اجرا قلنه جفی اعلان اولنور .

اعلامات نظامیه اجرا دأره سنده :

حاجی حسین آغانک قیصریه بدایت محکمه سندن اعطا قلان اعلام موجبنجه انسطاسیه ذمتنده محکوم به الاجنی اولان مبالغ تأمین استیفاسی چون مدیون طرفندن آخره وفاء مفروغ اولوب بدل رهنک فضل سندن تسویه دین اولنقی اوزره فروختی قرار لشدیریلان صاری تیمور محله سنده کراسته جیلرده چوبلک اسکله سنده واقع تخمیناً اوچ یوز اون ایکی آرنون عرصه اوزرینه مبنی طقوز نومرولی بر باب کراسته جی دکانک یوز یکریمی سهم اعتباریله یوز بش

سهم حصه سی بالمزیاده ایرا یوز غروش حسابیله اوتوز بشیک بشیوز غروشده طالی عهد سنده تقرر ایدرک موقتاً قرار داده سی کشیده قلنمش اولدیغندن یوزده بش ضم ایله زیاده یه طالب اولنلرک تاریخ اعلاندن اعتباراً اوتوز بر کونه قدر پی اچقه لریله برابر درسعادت اعلامات نظامیه اجرا دأره سنه مراجعت ایللری اعلان اولنور .

طوبه نک بااعلام نظامی خدیجه صبیحه وفاطمه زهرا خانم ذمتنده محکوم به آلاجنی اولان مبالغک تأمین استیفاسی ضمانته مومی الیهمانک شایعاً عهد سنه لرنده بولان سکبان باشی یعقوب آغا محله سنده لاله لی جاده سنده واقع تخمیناً ایکی یوز الی آرشون عرصه اوزرینه مبنی فوقانی و تحتانی اون بش او طه و ایکی مطبخ و ایکی قیوی حاوی اوچ قاتدن و ایکی قسمدن عبارت بولان اون بش و اون یدی نومرولرله مرقم متصل ایکی باب خانه ایله تحتنده کائن اون بر و اون اوچ و اون طقوز و یکریمی بر و یکریمی اوچ نومرولرله مرقم بش باب دکانک اون ایکی حصه اعتباریله مومی الیهمانک بر حصه لریله بازید میداننده واقع تخمیناً اون بش آرشون عرصه اوزرینه مبنی یوز نومرولی بر باب دکانک یوز یکریمی سهم اعتباریله یالکز فاطمه زهرا خانم عاند اوتوز ایکی سهم حصه سنک تاریخ اعلاندن اعتباراً اون بش کون صکره بالمزیاده فروخته تشبث اولنه جفی درسعادت اعلامات نظامیه اجرا دأره سندن اعلان اولنور .

اسکدار بدایت محکمه سی اجرا دأره سنده :

حسنی افندی نک خدیجه خانم ذمتنده بااعلام آلاجنی بولان مبالغک تأمین استیفاسی ضمانته محکمه جانبندن حیز آلتیه آلان درسعادتده فاتح جوارنده چراغی حمزه محله سنده ساقزاغاجی جاده سنده بر طرفی حاجه خانمک مفرز عرصه سی و بر طرفی خواجه غالب افندی خانه سی و بعضاً بقال مصطفی افندی عرصه سی و بر طرفی حاجه خانمک خانه سی و طرف رابی ساقز اغاجی جاده سیله محدود مکرر اوتوز درت نومرولی تخمیناً اوچ یوز یکریمی بش ذراع عرصه عند المزیاده ایرا یوز غروش حسابیله درت بیسک غروشده طالی عهد سنده تقرر ایدرک تاریخ اعلاندن اعتباراً بر ماه ختامنده قرار قطعیمی و یریه جکی جهته یوزده بش ضمیله زیاده یه طالب اولنلرک مدت مذکور طرفنده اسکدار بدایت محکمه سی اجرا دأره سنه مراجعت ایللری اعلان اولنور .

مبالغ سواغی تجارت محکمه سنده :

۲۹ تشرین اول سنه ۳۱۸ تاریخنده جانیک تجارت محکمه سندن موقه افلاسنه حکم اولوب مبدأ افلاس ۲۷ حیزران سنه ۳۱۸ تاریخنده تعیین قلنان صامسونده مقیم تجارتدن حاتم یاس نام کسنه نک خصوصات افلاسیه سنک رؤیت و تسویه سی ضمانته محکمه اعضا سندن واسیلایک افندی ژور قومیسر و دعوی وکیللردن خرساکی و تجارتدن جریان میرادیق افندیلر موقت سننیک تعیین قلنمش اولدقلرندن مفلس مرقوم ذمتنده الاجنی اولنلرک دائمی سننیک انتخاب و تعیینی حقدنه استشاره اولنقی اوزره اشبو بیسک اوچ یوز اون سکر سنه سی شهر تشرین ثانیسنک اون برنجی بازار ایرتسی کوئی ساعت الی راده لرنده محکمه مذکورنک افلاسه مخصوص او طه سنه کلری اعلان اولنور .

مبنی قضاسی بدایت محکمه سی اجرا دأره سنده :

خزینة جليلة مالیه نک شیهه قصبه سنک چاوش محله سندن متوفی قصاب مصطفی ذمتنده کی مطلوبات محکوم بهاسنک تأمین استیفاسی ضمانته حیز آلتیه آلان محله مذکورده محکمه جاده سنده قرق یدی نومرو ایله مرقم طرفلری حافظ مصطفی افندی و صبریہ منزلیری و ایکی طرفی طریق ایله محدود و ایک یوز ذراع نصف خانه نک تاریخ اعلاندن اعتباراً اون بش کون صکره بالمزیاده فروخته تشبث اولنه جفی شیهه قضاسی بدایت محکمه سی اجرا دأره سندن اعلان اولنور .

شیهه قضاسنک یکی کوی اشاغی محله سندن قره اوغلان اوغلی سقراطی چور باجینک خزینة جليلة مالیه مدیون بولندی مبالغ معلومه نک تأمین استیفاسی ضمانته مدیون مرقومک حیز آلتیه آلان مذکور محله نک یوان طاشی زقاغنده طرفلری یول و چشمه و پترو و یورکی و پنا یوط منزلیری ایله محدود خانه ینه قریه مذکورنک میدان زقاغنده طرفلری کلیسا میدانی و اوچ طرفی طریق ایله محدود خانه مع قهوه خانه نک ثلث حصه سنک و ینه قریه مذکورده دروننده طرفلری صاحب سند و طریق ایله محدود صمانلک تاریخ اعلاندن اعتباراً اون بش کون صکره بالمزیاده فروخته تشبث اولنه جفی شیهه قضاسی بدایت محکمه سی اجرا دأره سندن اعلان اولنور .